

373 »Tochter, swes dîn wille gert,
hân ichz, des bistû gewert.
ôwol der vruht, diu an dir lac!
dîn geburt was der sælden tac.«
5 »Vater, sô wil ich dirz sagen,
heinliche mînen kumber klagen;
nâch dînen gnâden dar zuo sprich.«
er bat si heben vûr sich.
Si sprach: »war kœeme denne mîn gespil?«
10 dô hielt der ritter bî im vil,
die striten, wer si solde nemen;
des moht ieslîchen wol gezemen,
iedoch bôt man si einem dar.
Clauditte was ouch wol gevar.
15 Al rîtende sprach ir vater zir:
»Obilot, nû sage mir
ein teil von dîner nœte.«
»dâ hân ich kleinœte
dem vremden ritter gelobt.
20 ich wæne, mîn sin hât getobt.
hân ich im niht ze gebene,
waz toug ich denne ze lebene,
sît er mir dienst hât geboten?
sô muoz ich schemelîche roten,
25 ob ich im niht ze geben hân.
nie meide wart sô liep ein man.«
Dô sprach er: »tochter, wart an mich,
ich sol des wol bereiten dich.
sît dû dienstes von im gerst,
30 ich gib dir, daz dû in gewerst,

wol ([*]: O wol V) der vr., *T (O)

»V., sol ich d. danne sagen *T (nur T)
unde heimliche *T

dô h. dâ bî im (nû L) rîter vil, *G (V) · Dô h. bî im rîter vil, *T

ouch om. *T

alrîtende sp. der vûrste zir: *G *T

»Ich hân kl. *T

ich w., mîn zuht sî vertobet (min sin hab getobt Z). *G (nur GI)

unde hân *T

touc mir ([i*]: ich V) danne *T (Z)

nû m. *G

b. d., *T

Die Verse 373.29–30 fehlen ↓*T (nur T) · d. (dienst I) an in g., *G (nur GI)

*D: D *m: m *G: G I O L Z Fr24 *T: T (ohne 373.29–30) V

1 Initiale D · Majuskel T 5 Initiale O L · Versal T · Majuskel D 9 Majuskel D T 10 Majuskel T 15 Majuskel D 18 Majuskel T 21 Initiale I 23 Initiale G 27 Initiale Fr24 · Majuskel D T

3 ôwol] ouch wol *m 22 waz] was D 29 Sit dv dienstes von im gerst V · dienstes] diens D 30 Ich gibe dir daz dv in [*]: wol gewerst V · in] in wol *m